

洪憲元年二月二十七日星期日第五十二號

政事堂印鑄局發行

北京東長安牌樓王府井大街
電話東局二百零一號

政 治 報

統率辦事處

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者聽
- 如送報未便私自加價請告知本局以便查究是為至要

目錄

命令

國務卿奏據銓叙局詳請將宮內供差各員分別從優晉敘實官單

國務卿奏據銓叙局詳稱遊核直隸巡按使奏保簡任法官人員錢宗昌彭守正二員資格不符擬請毋庸存記摺

國務卿奏據銓叙局詳稱安徽全省警務處處長朱家珂擬請緩覲摺

國務卿奏據銓叙局詳稱審計院審計官楊汝梅張潤霖單據陳宗蕃奉改簡任應否覲見據詳請示摺

外交部奏請設英屬北婆羅洲總領事摺

財政部奏駁獎湘省經徵釐稅得力人員恭摺祈鑒摺

陸軍部奏京師憲兵營在職勤勞卓著之葉錫光等擬給四等獎章馮漢章等由部覈給獎牌摺(附單)

陸軍部奏請將郭桂林等分別補官加銜繕單請示摺(附單)

陸軍部奏請以額圖璋升補烏槍護軍校摺

陸軍部奏防禦因病辭職准咨陳摺

海軍部奏遊員甘聯敬薦任海容軍艦艦長並請緩覲摺

司法部奏請援案酌設總檢察廳代理檢察官摺

司法部奏彙報江蘇浙江兩省死刑案件摺

司法部奏彙呈直隸等省去年十月分民刑事訴訟案件單表摺

蒙藏院奏外蒙正使事臣汗那旺那林副使額爾德尼郡王扎木彦多爾濟等呈進物品據情代進摺

蒙藏院奏青海呼畢勒罕等呈持送令人親取貢方物據情代奏摺

摺(附單)

京兆尹王達奏京兆各縣新自治區域劃定邊將區董等月薪公費數日照章定擬請訓示摺

山東巡按使蔡儒楷奏特參代理日照縣知事王家桓等請付懲戒摺

山東巡按使蔡儒楷奏擬派道尹兼任道試監試官摺

安武將軍管理安徽軍務倪嗣沖奏風陽關監督陶鈞效阜安巡按使李兆珍摺

著據實保薦摺

陝西巡按使呂元泰奏陝省各廳巡署薦委待選職員方汝士等歷職積資懇請分別叙官摺

廣東巡按使奏報發交任用人員范壽楊業經到省摺

昭武上將軍兼熱河都統姜桂題奏整頓全熱警察統一辦法情形並派員總辦繕具簡章乞示摺

督辦漢口建築商場事宜楊度奏為請核定督辦薪水公費數目以資辦公情形祈批示祇遵摺

咨

交通部咨政事堂機要局外交部鈔錄上海太平洋水綫公司單開發往歐洲各國電報規則咨請查照辦理文(附規則)

籌備國民代表大會事務局咨國民代表選舉監督各省將熱河綏遠

察哈爾都統袁慶院總裁

軍巡按使京兆尹鈔錄本局奏報川邊國民代表

州護軍使川邊鎮守使

兩項投票情形原摺並批令請查照文

廣告

奉命令

政事堂奉

策令遜下爾巴圖給予三等文虎章此令

政事堂印

洪憲元年二月二十六日

國務卿陸徵祥

政事堂奉

策令趙金灃給予四等文虎章此令

政事堂印

洪憲元年二月二十六日

國務卿陸徵祥

政事堂奉

策令趙金灃授為陸軍步兵上校此令

政事堂印

洪憲元年二月二十六日

政事堂奉

策令鄭孝禮授爲上大夫朱家珂授爲中大夫此令

國務卿陸徵祥

政事堂印

洪憲元年二月二十六日

國務卿陸徵祥

政事堂奉

策令陸軍部奏准正黃旗蒙古都統恩澤咨擬以祥隆補參領斌敬補副參領鳳連補印務章
京文鑑補公中佐領請予准補等語應照准此令

政事堂印

洪憲元年二月二十六日

國務卿陸徵祥

國務卿奏據銓叙局詳稱遵核參謀本部委任文職各員資格請予分別叙官由
政事堂奉

批令准如所擬分別授官單併發此令

政事堂印

洪憲元年二月二十六日

國務卿陸徵祥

內務部奏四川重慶警察廳擬請援案酌設候補學習人員由
政事堂奉

批令准如所擬辦理即由該部轉行遵照此令

政事堂印

洪憲元年二月二十六日

國務卿陸徵祥

內務部奏彙核江蘇等省請給四等獎勵各縣知事照章擬獎繕單呈鑒由
政事堂奉

批令准如所擬給獎單存此令

政事堂印

洪憲元年二月二十六日

國務卿陸徵祥

財政部奏爲核議奉省追加教育經費擬懇照准乞鑒示由
政事堂奉

批令准如所議辦理卽由該部轉行遵照並交教育部查照此令

政事堂印

洪憲元年二月二十六日

國務卿陸徵祥

財政部片奏察哈爾墾務變通放荒內地各省不得援以爲例其承辦墾務人員仍舊禁制不准購地承墾請訓示由

政事堂奉

批令准如所擬辦理卽由該部轉行遵照此令

政事堂印

洪憲元年二月二十六日

國務卿陸徵祥

司法部奏彙報山西省死刑案件繕單請鑒由

政事堂奉

批令准如所擬執行卽由該部轉行遵照單存此令

政事堂印

洪憲元年二月二十六日

國務卿陸徵祥

司法部奏吉林反獄案內監犯王英等出力救護看守擬請減刑由

政事堂奉

批令准予減刑以昭激勸即由該部轉行遵照此令

政事堂印

洪憲元年二月二十六日

國務卿陸徵祥

交通部奏本部兼任郵政總局局長周萬鵬等蒙給獎勵據情代陳謝悃由

政事堂奉

批令悉此令

政事堂印

洪憲元年二月二十六日

國務卿陸徵祥

蒙藏院奏新土爾扈特盟長旗被匪蹂躪過鉅請再加恩飭地方長官會同安撫撥給款項借給牲畜招復舊業以維生計由

政事堂奉

批令該旗前值匪擾損失頗鉅深堪憫念著新疆巡按使會同阿爾泰辦事長官查照該院所擬各節妥籌安撫以恤民艱卽由該院分行遵照此令

政事堂印

洪憲元年二月二十六日

國務卿陸徵祥

直隸巡按使朱家寶奏前清故員劉含芳陳饗舉勛績卓著懇准附祀李文忠祠並請將陳饗舉生平事蹟宣付清史館立傳由

政事堂奉

批令准其附祀至所請將陳饗舉生平事蹟宣付清史館立傳之處並交該館查照此令

政事堂印

洪憲元年二月二十六日

國務卿陸徵祥

江蘇巡按使齊耀琳奏金陵道尹俞紀琦繼續任事日期并代陳感激下忱由

政事堂奉

批令悉此令

政事
堂印

洪憲元年二月二十六日

國務卿陸徵祥

江蘇巡按使齊耀琳奏縣知事嚴森等到省一年期滿照章甄別由
政事堂奉

批令悉交內務部查照併由政事堂飭銓叙局查照單併發此令

政事
堂印

洪憲元年二月二十六日

國務卿陸徵祥

昭武上將軍兼熱河都統姜桂題奏熱河廳署薦委各職王得庚等擬請分別叙官由
政事堂奉

批令交政事堂飭銓叙局核辦單並發此令

政事
堂印

洪憲元年二月二十六日

國務卿陸徵祥

昭武上將軍兼熱河都統姜桂題奏爲遵照定案擬將變售熱河莊地款項先儘駐防旗丁配撥以資生計謹繕單具摺祈訓示由

政事堂奉

批令所擬將變售莊地款項先儘撥充安插旗丁之用既爲寬籌生計并可裁節餉需自屬一勞永逸之舉交內務財政陸軍三部會同核議具復單並發此令

政事
堂印

洪憲元年二月二十六日

國務卿陸徵祥

奏摺

國務卿奏據銓叙局詳請將宮內供差各員分別從優晉叙實官單
謹將宮內供差各員請從優晉叙各員名單分別開列恭呈 御覽

計開

典瑞處尙書郎夏則揚

以上一員積資十年以上并曾爲薦任職按照文官官秩令應授爲中大夫

內銀錢所管理員王國楨

以上一員積資八年以上并曾爲薦任職按照文官官秩令應授爲少大夫

右翼衛隊書記員張振寰

以上一員積資八年以上惟未曾爲薦任職按照文官官秩令應授爲上士惟摺內擬請加少大夫銜應

否照准伏祈 聖裁

稽核處校對員白斐然

右翼衛隊餉械員吳德明

護衛司令部餉械員秦品三 校對員王來同 右翼

衛隊餉械員李啟倫 步衛士隊書記員陳品瑤

政事堂奉

批令夏則揚王國楨已另有令明發其張振寰等各員應准一併授爲上士此令

政事堂印

洪憲元年二月二十一日

國務卿陸徵祥

國務卿奏據銓叙局詳稱遵核直隸巡按使奏保簡任法官人員錢宗昌彭守正二員資格不符擬請毋庸存記摺

奏爲遵 令覆核直隸巡按使奏保簡任法官人員錢宗昌彭守正二員資格不符擬請毋庸存記恭摺仰 祈 聖鑒事據銓叙局詳稱奉堂交直隸巡按使朱家寶奏遵章預保簡任法官錢宗昌彭守正二員懇予存記於本年二月五日奉 批令交政事堂覆核存記此令等因鈔交到局查原奏內稱錢宗昌於前清光緒三十二年經前吉林將軍奏調赴吉派充法政學堂監督兼教授先後三年嗣於宣統二年十一月奏准試署吉林高等審判廳廳丞至民國元年三月開缺核與簡任法官資格第八項規定相符彭守正係日本法政大學三年畢業於民國二年四月薦署教育部參事嗣於三年十月保准道尹存記分發直隸任用核與簡任法官第五項規定相符等語查司法部呈准簡任法官資格內第五項載現任簡任文官一年以上而有應司法官考試資格者第八項載曾任簡任法官一年以上現經裁缺迴避開缺辭職或調任薦任職而有應司法官考試資格者又查得應司法官甄錄考試資格內第二項載在外國大學或專門學校修法律法政之學三年以上得有畢業文憑者第四項載在國立或經司法部教育部認可之公立私立大學或專門學校教授法律之學三年以上 經報告教育部有案者各等語錢宗昌一員前充吉林法政學堂監督兼教授所授係何項學科前後是否已及三年以上並曾否報部有案當經職函查教育部旋准函覆該員係於前清光緒三十二年十月到吉林法政學堂總辦差宣統元年四月即奉調出堂並未報明兼充何項學科教習等因是該員雖曾任簡任法官一年以上而前充吉林法政學堂教授並所授何項學科均未報部有案綜計前後在堂亦未滿三年自無應司法官考試資格核與司法部呈准簡任法官資格第八項之規定不符彭守正一員雖有應司法官考試資格惟非現任簡任文官一年以上人員核與司法部呈准簡任法官資格第五項之規定不符擬請均毋庸存記所有遵 令覆核直隸巡按使奏保簡任法官人員資格不符擬請毋庸存記各緣由是否有當詳請轉奏等情前來理合據情恭摺具陳伏乞 皇帝陛下聖鑒訓示謹 奏

政事堂奉

批令錢宗昌彭守正均著毋庸存記交司法部查照並轉行直隸巡按使知照此令

政事堂印

洪憲元年二月二十一日

國務卿陸徵祥

國務卿奏據銓叙局詳稱安徽全省警務處處長朱家珂擬請緩覲摺

奏為安徽全省警務處處長朱家珂擬請緩覲恭摺仰祈 聖鑒事據銓叙局詳稱准內務部咨開案准安徽巡按使咨稱安徽全省警務處處長朱家珂係簡任職人員例應覲見惟該處長係兼任安徽省警察廳廳長職務重要擬請轉咨銓叙局暫緩覲見以重職守等因到部相應咨請查照辦理等因到局查覲見條例內載簡任職因必要情形得呈請緩覲又因職務重要得先行就職各等語茲准前因核與條例相符朱家珂擬請准予緩覲是否有當謹詳請轉奏等情理合恭摺具奏伏乞 皇帝陛下聖鑒訓示遵行謹 奏

政事堂奉

批令朱家珂應准緩覲此令

政事堂印

洪憲元年二月二十一日

國務卿陸徵祥

國務卿奏據銓叙局詳稱審計院審計官楊汝梅張潤霖單鎮陳宗蕃奉改簡任應否覲見據詳請示摺奏為審計院審計官第一廳廳長楊汝梅等應否覲見恭摺仰祈 聖鑒事據銓叙局詳稱審計院咨開本院奏審計官職務重要擬請援案改為簡任一案業於本年二月十日奉 批令准其一律改為簡任交

政事堂飭銓叙局查照此令等因奉此查本院審計官員額十五員內萬雲路錢懋勛陸世芬陳世第嚴鷗客葛成修柳旭胡大崇李景堃吳學莊等十員係由薦任職改爲簡任暨新奉 任命試署之胡璧城一員均應照章覲見其審計官第一廳廳長楊汝梅第二廳廳長張潤霖第三廳廳長單鎮審查決算委員會坐辦陳宗蕃等四員原係簡任職應否再行覲見之處咨請查核辦理等因到局除萬雲路等十一員應由本局彙案辦理外惟查楊汝梅張潤霖在試署審計官兼廳長任內單鎮在試署審計官任內均經覲見該員等於簡補廳長任內復經奉准免覲陳宗蕃於簡授審查決算委員會坐辦任內亦經覲見此次審計官奉 令改爲簡任楊汝梅張潤霖單鎮陳宗蕃等四員應否照章覲見抑或准予免覲謹詳請轉奏示遵等情理合恭摺具奏伏乞 皇帝陛下聖鑒訓示遵行謹 奏

政事堂奉

批令楊汝梅等均准免覲此令

政事堂印

洪憲元年二月二十一日

國務卿陸徵祥

外交部奏請設英屬北波羅洲總領事摺

奏爲請設英屬北波羅洲總領事恭摺仰祈 聖鑒事竊查英屬北波羅洲地方介乎香港新加坡斐律賓並和屬各埠之間地當衝要商務繁盛華僑前赴該埠操農工商各業者已達二萬餘人自非設立領事不足以資保護而維商業前經 臣部與英國駐京公使提議擬在北波羅洲地方設置領事請其轉達政府迅予同意茲准英國公使復稱中國政府擬在北波羅洲設立領事署本國政府復稱照此辦理並無不可等情前來竊維此事現既協商就緒亟應及時舉辦以期裨益商務該處僑寓華民較之巴拿馬澳洲等埠爲數尤衆各

該埠均屬設置總領事似宜酌照成例特設北波羅洲總領事一員俾崇體制除遠派人員應另行奏陳外所有請設英屬北波羅洲總領事緣由理合恭摺奏請 皇帝陛下聖鑒訓示施行謹 奏

政事堂奉

批令准如所擬設置交政事堂飭法制銓叙兩局查照此令

政事堂印

洪憲元年二月二十日

國務卿陸徵祥

財政部奏覈獎湖省經徵釐稅得力人員恭摺祈鑒摺

奏為覈獎湖省經徵釐稅得力人員恭摺仰祈 聖鑒事竊准湖南巡按使咨據財政廳長詳送湖省三年度經徵釐金人員成績查有小淹釐金徵收局長余明曦長收四萬二千一百餘元南華澧安釐金徵收局長王紹祖長收四萬四千六百餘元岳陽釐金徵收局長張其鉅長收二萬七千二百餘元托口釐金徵收局長劉邦騏長收二萬七百餘元雷家市釐金徵收局長鄧振聲長收一萬二千餘元常德釐金徵收局長唐燕賓長收一萬六千八百餘元平江釐金徵收局長余樹榕長收一萬八千四百餘元郴縣釐金徵收局長許汝璩長收一萬二千六百餘元洪江釐金徵收局長瞿鴻漢長收一萬七千六百餘元應請分別給獎等情開具清單詳咨核辦前來臣部伏查該局長余明曦王紹祖二員增收稅款均在三萬元以上張其鉅等七員增收稅款均在一萬元以上經徵得力自應嘉獎謹按督徵經徵分徵官額外增加獎勵條例第四條內載增收三萬元以上者授五等金質單鶴章勞績金減三分之二增解一萬元以上者亦授五等金質單鶴章等語該員等額外增收之數覈與前項條例均屬相符擬請 恩准各賞給五等金質單鶴章以昭激勸其餘明曦等二員應支之勞績金擬即飭令於增解足額之次年支之並按照修正條例准其支領一年所有覈獎湖省經徵

釐稅得方人員緣由理合恭摺具陳伏乞 皇帝陛下聖鑒訓示謹 奏

洪憲元年二月二十一日

陸軍部奏京師憲兵營在職勤勞卓著之葉錫光等擬給四等獎章馮漢章等由部覈給獎牌摺(附單) 奏為京師憲兵營在職勤勞卓著各兵弁擬請給予獎章繕單恭摺仰祈 聖鑒事案查京師憲兵營創立以來鎮壓內亂維持治安在事各官兵頗著勤勞若不擇尤獎叙殊不足以昭激勸而勵將來除在該營供職勤勞卓著各官佐業經統率辦事處奏請奉 准給予勳獎各章在案外所有該營尤為出力官弁葉錫光等擬請一律給予四等獎章以資鼓勵是否有當理合繕單恭摺具陳伏乞 皇帝陛下聖鑒訓示再該營司務長馮漢章等二十六名擬由巨部覈給獎牌合併聲明謹 奏

政事堂奉

批令准如所擬給獎單存此令



洪憲元年二月二十日

國務卿陸徵祥

謹將京師憲兵營在職勤勞卓著各兵弁擬給獎章恭呈

御覽

計開

- 京師憲兵營上士葉錫光 郭文輔 齊鵬舉 京師憲兵營憲兵准尉中士佟學儒 憲兵中士陸軍獎牌
- 李維唐 憲兵中士楊廉善 王訪賢 趙永禮 程 綱 趙廣怡 關崇寬 解廣騰 憲兵下士葛
- 義德 掌工軍士劉致和 憲兵陸軍獎牌李炳章 憲兵劉世義 何夢熊 杜少棠 馬毓珊 仝仲
- 虞 李海泉

以上二十一名擬請

給予四等白色獎章

陸軍部奏請將郭桂林等分別補官加銜繕單請示摺(附單)

奏為遵請補授陸軍實官人員繕單恭摺仰祈 聖鑒事竊准統率辦事處函開據拱衛軍總司令李進才
奏請將吳觀樂進補步兵上校郭桂林等四員進補步兵中校白金章等四員進補步兵少校孫海峯進補礮
兵少校路番昇等二十五員進補步兵上尉鍾邦鐸進補騎兵上尉計新銘等二員進補礮兵上尉李建三等
三員進補步兵中尉林作霖等五員進補礮兵中尉等情奉 諭郭樹堂著改補步兵少校黃恩榮改補步
兵上尉加少校銜餘均准如所擬補官等因除函覆並簡補官由本處呈請明發外相應鈔件函達查照辦理
等因奉此查原單各員內除吳觀樂一員已奉 令明發暨准補初等軍官路番昇等遵由巨部註冊發給
補官飭文外其應補陸軍中等軍官暨補陸軍步兵上尉加少校銜人員自應遵請 明令補授理合繕單
恭摺具陳伏乞 皇帝陛下聖鑒訓示謹 奏

政事堂奉

批令郭桂林等已另有令照准明發黃恩榮准如所擬授官並准加陸軍步兵少校銜軍存此令



洪憲元年二月二十日

國務卿陸徵祥

謹將遵請補授陸軍實官人員繕單恭呈 御覽

計開

中路二等副官黃恩榮

以上一員遵請授為陸軍步兵上尉並加陸軍步兵少校銜

陸軍部奏請以額圖璋升補烏槍護軍校摺

奏為請補鳥槍護軍校員缺恭摺仰祈 聖鑒事竊准管理火器營事務長官江朝宗咨稱本營饒黃旗鳥槍護軍校奎亮病故出缺擬以鳥槍護軍額圖理陞補咨部查核轉奏等因到部茲經核明與歷案陞階相符似應准予陞補理合恭摺具陳伏乞 皇帝陛下聖鑒訓示謹 奏

政事堂奉

批令准其升補此令

政事堂印

洪憲元年二月二十一日

國務卿陸徵祥

陸軍部奏防禦因病辭職准咨轉陳摺

奏為防禦因病懇請辭職恭摺仰祈 聖鑒事竊准鎮安上將軍督理奉天軍務段芝貴咨稱據昭陵總管詳稱據正藍旗滿洲防禦博德凌額稟稱因前在軍營染受潮濕兩腿麻木現雖見愈奈年近八旬步履維艱實難供職是以請辭防禦之職等情據詳咨行到部查防禦博德凌額既因年老不能供職請辭原缺似應照准理合恭摺具陳伏乞 皇帝陛下聖鑒訓示謹 奏

政事堂奉

批令博德凌額准其辭職此令

政事堂印

洪憲元年二月二十一日

國務卿陸徵祥

海軍部奏遴員甘聯燾薦任海容軍艦艦長並請接覲摺

奏為遴員薦任海容軍艦艦長恭摺具陳仰祈 聖鑒事竊查暫行代理海容艦長陳紹寬業奉 諭准派赴美國留學在案所遺海容軍艦艦長一職業由臣摺奏請以通濟艦長甘聯璈調補奉 批可行奉此合無仰懇 俯賜任命甘聯璈為海容軍艦艦長以重職守再艦長職務重要可否准其暫緩覲 見先行就職之處恭候 聖裁至所遺通濟艦長一職擬由臣部遴員暫行代理俟著有成績再行奏請薦任所有遴員薦任海容軍艦艦長並請緩覲各緣由是否有當理合恭摺具陳伏乞 皇上聖鑒訓示謹 奏

政事堂奉

批令甘聯璈已另有令任命並准其緩覲此令

政事堂印

洪憲元年二月二十日

國務卿陸徵祥

司法部奏請援案酌設總檢察廳代理檢察官摺

奏為擬援案酌設總檢察廳代理檢察官以資助理恭摺仰祈 聖鑒事上年八月大理院呈請酌設代理推事一案奉 批令准如所擬辦理交財政司法部兩部查照並由政事堂飭銓叙局查照此批等因當經遵奉施行在案竊維京外上告案件日益繁多既以大理院為總匯之區總檢察廳分配事務亦遂因而叢集比者該院以酌設員缺結案較為敏速而該廳適承其流時有應接不暇之勢查法院編制法關於檢察廳各條本有代理檢察官之規定雖其條件以緊急事宜為限然既垂為定法則其必要情形已可概見本此理由復援據大理院酌設代理推事之例擬於總檢察廳內酌設代理檢察官人員奏請充補此項代理人員仍執行各該本廳職務支領原職薪俸如遇總檢察廳有必要情形時依次調廳執行代理職務是酌設員額祇屬虛缺於經費毫無出入而名位既定責任尤專似於訴訟進行實收臨時便利之效如蒙 俞允即由臣部遵

奉辦理所有擬案酌設總檢察廳代理檢察官緣由是否有當理合恭摺具陳伏乞
施行謹 奏

政事堂奉

批令准如所擬設置交政事堂飭法制銓叙兩局查照並交財政部查照此令

政事堂印

洪憲元年二月二十日

國務卿陸徵祥

司法部奏彙報江蘇浙江兩省死刑案件摺

奏為彙報江蘇浙江兩省死刑案件恭摺仰祈

聖鑒事准江蘇巡按使咨據高等檢察廳詳報死刑案件吳阿滿等四起檢同供判清冊咨請核辦前來臣

部詳加覆核各案均已審判確定倘無非常上告及再審原因理合就原判決書摘要繕單恭摺具陳伏乞

皇帝陛下聖鑒訓示施行謹 奏

政事堂奉

批令准如所擬執行即由該部分行遵照單存此令

政事堂印

洪憲元年二月二十一日

國務卿陸徵祥

司法部奏彙呈黑龍江等省去年九月分民刑事訴訟案件單表摺

奏為彙呈黑龍江湖南四川廣東廣西貴州等省高等審判檢察廳陝西甘肅兩省高等審判檢察分廳擬送

察哈爾兩都統署審判處奉天黑龍江西福建甘肅廣西貴州等省地方審判檢察廳暨奉天山西廣東等省道署附設上訴機關去年九月分民刑事訴訟案件單表恭摺仰祈 聖鑒事 臣部去年七月呈民刑事訴訟案件案由彙報辦法及清單附表格式旋於是月二十二日奉 批令准如所擬辦理由部通行遵照單表存此批等因遵卽鈔印通行並歷經彙報在案茲據黑龍江湖南四川廣東廣西貴州等省高等審判檢察廳陝西甘肅兩省高等審判檢察分庭綏遠察哈爾兩都統署審判處奉天黑龍江西福建甘肅廣西貴州等省地方審判檢察廳暨奉天山西廣東等省道署附設上訴機關分別遵式將去年九月分民刑事訴訟案件造具單表依原辦法第一條及第二條所列程序詳由巡按使都統咨送前來臣部覆核無異謹依前兩條規定彙總呈報仍請 發交臣部備案惟查甘肅皋蘭地方審判廳九月分單表與八月分單表同時到部其不合之點亦復相同業由臣部覆飭更正理合恭摺具陳伏乞 皇帝陛下聖鑒訓示施行謹 奏

政事堂奉

批令悉單表仍發還該部備案此令

政事堂印

洪憲元年二月二十一日

國務卿陸徵祥

司法部彙呈直隸等省去年十月分民刑事訴訟案件單表摺

奏爲彙呈直隸奉天吉林黑龍江山東河南山西江蘇江西福建浙江湖南陝西甘肅四川廣東貴州等省高等審判檢察廳湖北高等審判檢察分廳甘肅高等審判檢察分庭熱河綏遠察哈爾等都統署審判處暨奉天吉林黑龍江山東河南山西江西湖北甘肅貴州等省地方審判檢察廳去年十月分民刑事訴訟案件單表恭摺仰祈 聖鑒事 臣部去年七月呈民刑事訴訟案件案由彙報辦法及清單附表格式旋於是月二

十二日奉 批令准如所擬辦理理由部通行遵照單表存此批等因遵即鈔印通行並歷經彙報在案茲據直隸奉天吉林黑龍江山東河南山西江蘇江西福建浙江湖南陝西甘肅四川廣東貴州等省高等審判檢察廳湖北高等審判檢察分廳甘肅高等審判檢察分廳熱河綏遠察哈爾等部統署審判處暨奉天吉林黑龍江山東河南山西江西湖北甘肅貴州等省地方審判檢察廳分別遵式將去年十月分民刑事訴訟案件造具單表依原辦法第一條及第二條所列程序詳由巡按使都統咨送前來臣部覆核無異謹依前兩條規定彙總呈報仍請 發交臣部備案再察哈爾都統署審判處聲稱是月刑事案件單表舊受項下內有一起不能併為審理者另作一件計算故與九月分未結之數不符理合恭摺具陳伏乞 皇帝陛下聖鑒訓示施行謹 奏

政事堂奉

批令悉單表仍發還該部備案此令

政事堂印

洪憲元年二月二十一日

國務卿陸徵祥

蒙藏院奏外蒙正使車臣汗那旺那林副使額爾德尼郡王扎木彥多爾濟等呈進物品據情代進摺奏為據情代奏事竊准外蒙正使車臣汗那旺那林副使額爾德尼郡王扎木彥多爾濟呈稱本車臣汗等自備物品黃白哈達各一份馬四匹貂皮四張呈進伏乞鑒准等因前來理合據情代進伏乞 皇帝陛下聖鑒賞收謹 奏

政事堂奉

批令准予照收即由該院照章辦理此令

政事
堂印

洪憲元年二月二十一日

國務卿陸徵祥

蒙藏院奏青海呼畢勒罕賽持遵令入覲敬貢方物據情代奏摺(附單)

奏為據情代奏事竊據妙悟安仁慧悟禪師囑勒丹錫時圖呼圖克圖之呼畢勒罕賽持呈稱為敬貢方物恭
申下忱並懇覲 見仰乞 聖鑒事賽持前於民國二年三月四日邀蒙 天恩特加妙悟安仁名號

賞用黃韁深恩厚澤感激莫名理宜敬貢方物叩謝 天恩旋於民國四年秋間呈由甘肅將軍張廣建代
為電請入覲 天顏荷蒙 俞允得遂孺慕乃復蒙 諭令沿途地方官吏保護益令感激無地即於

十二月九日由青海迭禪寺起程茲於洪憲元年二月二日到京薰沐齋戒恭備入覲藉聆 聖訓附呈萬
壽佛三尊哈達一方並貢方物數色曷敢效西旅之貢呈聊以申 北宸之拱向而已再賽持經過地方均

甚安謐人民均皆樂業知關 宸廬合併陳明希即據情代奏等情前來查該呼畢勒罕逾 令入覲呈
遞貢物除覲 見應由 臣院另案辦理外理合繕單據情代表伏乞 皇帝陛下聖鑒謹 奏

政事堂奉

批令貢品照收即由該院照章辦理單存此令

政事
堂印

洪憲元年二月二十一日

國務卿陸徵祥

貢品清單

長壽佛三尊

哈達一方

氍毹九疋

鐵里麻九疋

藏香九束

藏棗四包

藏紅花二包

藏奶桃二包

馬四匹

京兆尹王達奏京兆各縣新自治區域劃定遵將區董等月薪公費數目照章定擬恭摺具陳仰祈 聖鑒事竊照京

奏爲京兆各縣新自治區域劃定遵將區董等月薪公費數目照章定擬恭摺具陳仰祈 聖鑒事竊照京兆地方自治暫行章程前奉 批令准其先行試辦等因奉此查本章程第二條內載京兆各縣得就各該縣所轄城鎮村置其戶口多寡均分爲八區以上十六區以下之自治區第三條內載自治區置區董一人副區董一人第十二條內載區董副區董得支薪俸及公費第十三條內載區董副區董之薪俸額及區董之公費額由京兆行政經費項下支給以京兆地方單行章程定之各等語臣遵於上年九月間擬定調查戶口簡易辦法及表票式樣並繪圖須知等件通飭各縣調查所轄城鎮村戶數口數並邀集公正紳士按其距離遠近與舊日學警自治各區分合情形將自治新區通盤籌畫妥爲勻配於劃定後造具地圖並戶口表詳送核辦復經於調查各縣自治案內先飭派赴各縣委員預與官紳接洽意見並按照另發調查條目及各縣分區域村狀況一覽表式逐一填造以資參考嗣據各知事先後詳到圖表等件節經分別核准駁一再往復計全屬二十縣自治區域現在均已核定每縣皆在八區以上最多者十三區惟平谷一縣戶口僅止萬餘村莊七十五處地方實係偏小不得不量予變通准其仍照舊自治區定爲五區統計二十縣共一百九十八區至各區區董副區董等薪公額數權衡參酌擬定爲區董每人月薪十四元副區董每人月薪十元公費每區月十二元統計全屬每月薪公兩項共需銀七千一百二十八元全年共需銀八萬五千五百三十六元均係撙節估計未敢稍涉浮濫目下自治學員甫行畢業各縣區董正飭照章遴選促其早日任事此項經費擬請 旨敕下財政部增入京兆行政經費額內如數照支以符定章而資作始除分別詳咨外所有京兆各縣新自治區域劃定遵將區董等月薪公費數目照章定擬各緣由是否有當理合恭摺具陳伏乞 皇帝陛下聖鑒訓示謹 奏

政事堂奉

批令交內務財政兩部查核備案此令



洪憲元年二月二十日

國務卿陸徵祥

山東巡按使蔡儒楷奏特參代理日照縣知事王家楨等請付懲戒摺

奏為特參溺職知事請付懲戒恭摺仰祈 聖鑒事竊維求治要在得人揚清必先激濁而知事之賢否尤

民命之所關臣身任封圻職司察吏重以迭奉 明令整飭官方斷不容有不肖之員有忝厥職各該知事

身為民牧果其稍知自愛應如何律已奉公乃查有代理日照縣知事王家楨馭下無方不恤民隱該知事審

理案件多在夜間差役傳案不稟原被均受拖累往往自行和解差役每遇案出爭先購票又借稽查漏貼印

花稅私自苛罰受害者指不勝屈縣署門丁亦有藉案圖賄情事前有海賊入縣境卅子村綁票勒贖經縣督

率警隊會營前往擊散之後警隊復入卅子村肆行騷擾攫取民財該知事竟毫無約束煙禁亦極疏懈沿海

各口私吸尤多又查有委署海陽縣知事張偃身丁役用事民怨沸騰每遇下鄉驗案查荒跟隨差役二十餘

人俱係民間供給飯食平時處理案件類多是非顛倒手續不完到任以來上控案情絡繹不絕縣署收受狀

紙等事門丁仍沿舊習索取傳呈和息等費城鄉煙館甚多且有賭局數十處均由差警得錢包庇城內共有

旅店三十六家多係包攬詞訟申通縣署丁役舞弊行賄如運建修控鄒思敏等味帳坑東趙啟學控趙隆義

等毆斃伊兄劉張氏與單本恆控爭繼產張書丕與王殿甲等控爭荒地等案莫不任聽丁役朦蔽圖賄尤屬

聲蹟異常以上二員均係迭被控訴飭據各該管道尹查有確據詳揭前來經臣復查屬實似此昏庸失職自

未便稍事姑息貽害地方應請 飭下文官高等懲戒委員會照例議處以肅官常所有特參溺職知事請

付懲戒緣由謹恭摺具陳伏乞 皇上聖鑒訓示謹 奏

政事堂奉

批令王家楨張傳身均著付文官高等懲戒委員會依法懲戒并交內務司法兩部查照此令

政事堂印

洪憲元年二月十九日

國務卿陸徵祥

山東巡按使蔡儒楷奏擬派道尹兼任道試監試官摺

奏為擬派道尹兼任道試監試官恭摺仰祈 聖鑒事竊查學績試驗條例第六條內載道試設監試官由各地方最高行政長官遴選相當人員派充呈報等因查道試既於道尹所在地舉行則各道監試官自以道尹派充為便現擬即派濟南道道尹楊慶鑾濟寧道道尹鄧際昌東臨道道尹龔積柄膠東道道尹吳永為各該道道試監試官並將關於考試一應事務責成該監試官遵照條例及施行細則迅速遴員辦理以促進行除分咨督催稽查處銓叙局外理合恭摺具陳伏乞 皇上聖鑒訓示謹 奏

政事堂奉

批令悉交政事堂銓叙局查照并交督催稽查員查照此令

政事堂印

洪憲元年二月二十日

國務卿陸徵祥

安武將軍督理安徽軍務倪嗣沖 奏鳳陽關監督陶鎔成效卓著據實保薦摺

安徽巡按使李兆珍

奏爲大員監督關稅成效卓著據實保薦恭摺仰祈 聖鑒事竊維國用浩繁財源涸竭全賴經徵官吏切實整飾涓滴歸公庶足以濟度支而資挹注茲查鳳陽關監督陶鎔前在山東兩署鹽運使釐訂稅課成績昭然迭經部臣周自齊孫寶琦暨河南巡按使田文烈開單薦舉荷承 簡任今職到任以來督飭員役銳意整頓從前宿弊釐別廓清商旅翕服頌聲載道鳳關歲支舊額十四萬餘元經該員一再考覈減爲五萬元較原額已裁去九萬有餘其旺年收數額定三十萬元今復新加三成比額計自民國四年一月起至十二月底止共徵銀四十一萬餘元溢收之數已有十一萬元之多統計增入減出兩項竟達二十萬元以上實歷來所未有設非該員悉心擘畫綜核有方未易收此成效似非優予獎勵不足以風樞吏而獎將來該員歷著資勞經驗宏富前經部臣疆臣先後奏保奉 交國務院存記並蒙 賞給三等嘉禾章 授官上大夫在案是該員忠誠幹練早在 聖明洞鑒之中應如何獎叙之處出自 逾格鴻慈非臣等所敢擅擬所有大員監督關稅成效卓著據實保薦各緣由理合會銜恭摺具陳伏乞 皇上聖鑒訓示施行謹 奏

政事堂奉

批令陶鎔著交政事堂存記並交財政部查照此令

政事堂印

洪憲元年二月十九日

國務卿陸徵祥

陝西巡按使呂調元奏陝省各廳道署薦委待遇職員方汝士等歷職積資擬請分別叙官摺

奏爲陝省各廳道署薦委待遇職員歷職積資擬請分別叙官恭摺仰祈

聖鑒事竊查前奉 敕令公

布文官官秩令第 條開凡授官進官加秩係薦任職由所屬長官呈請

命令行之係委任職由所屬長

官彙案呈請

命令行之等因又准政事堂銓叙局咨開京外薦委各職人員叙官擬請交局核覆經詳由

國務卿擬准照辦呈奉

卅閱等因鈔錄原詳咨行到陝遵經分別飭知在案茲據陝西財政廳高等審判廳高等檢察廳關中道道尹漢中道道尹榆林道道尹先後開具廳道公署薦委待遇各職員詳細履歷詳請轉奏分別叙官等情前來臣覆查各該員歷職積資均屬相符再巡按使公署及各局所薦委待遇職員尙有應行叙官人員自應彙案併請叙授以重銓政合無仰懇 天恩俯准 敕下政事堂飭銓叙局分別核叙官秩俾資策勵除將該員等履歷造具清冊咨送銓叙局查照外所有陝省各廳道公署薦委待遇職員歷職積資懇請分別叙官緣由理合恭摺具陳伏乞 皇帝陛下聖鑒訓示謹 奏

政事堂奉

批令交政事堂飭銓叙局核辦單并發此令

政事堂印

洪憲元年二月二十日

國務卿陸徵祥

廣東巡按使張鳴岐奏報發任用人員范雲梯業經到省摺

奏為報明發任用人員范雲梯業經到省恭摺仰祈 聖鑒事竊查上年十二月二十四日奉 上令

本月十三日保送覲見之范雲梯著交政事堂存記並發往廣東由該巡按使酌量任用此令等因奉此茲據該員范雲梯詳報到省並繳銓叙局咨文前來除將該員註冊酌量任用並咨內務部銓叙局查照外所有發交任用范雲梯一員業經到省緣由理合恭摺具陳伏乞 皇上聖鑒謹 奏

政事堂奉

批令悉交政事堂飭銓叙局查照此令

政事堂印

洪憲元年二月十九日

國務卿陸徵祥

昭武上將軍兼熱河都統姜桂題奏整頓全熱警察統一辦法情形並派員總辦繕具簡章乞示摺

奏為整頓全熱警察統一辦法情形並派員總辦繕具簡章恭摺具陳伏乞 聖鑒事竊維熱河地處邊

陲盜風素熾綁搶之案層出不窮巨自前年到任首以芟除盜匪安輯民生為主旨迭飭各軍隊隨時巡緝並

倡辦清鄉以資輔助兩年以來地方雖漸就乂安然盜匪出沒無常仍未能悉臻靜謐良由地方寥闊地僻山

深巡緝難周此舉彼竄是非將警察極力整頓不足以資捍禦而保治安上年六月奉 令保衛地方責在

警察等因伏查熱屬各縣警察雖舉辦有年然限於財力或僅具規模或毫無形式巨籌思至再擬將全屬警

察通飭一律整飭以收統一之效當經飭委熱河警察廳廳長馮夢雲為全熱警察總辦擬具簡章督飭各縣

限期舉行每縣均定為五區區設分駐所各若干視地方情形酌定警察數目應需款項均由民間抽糧每畝

年或一升或半並於各區附近分駐軍隊一哨協助防剿自通飭以後巨時加督責力促進行函電紛馳不

遺餘力現據各縣先後詳報籌設齊全間有未經成立亦正在組織不日告成且民間均以積年被匪受害已

深辦警為保衛身家出糧無多獲益甚大均皆樂從尙無異議此巨籌辦熱河警察大概情形也巨伏以盜匪

恣肆為害閭閻安輯保衛責無旁貸是以嚴飭趕辦不准少事因循將來派員巡查倘有陽奉陰違敷衍塞責

者擬即從嚴參辦以為玩視民瘼者戒惟此次統籌全局規畫久遠名為整頓實同創辦將來辦有成效其籌

辦得力之員並由巨酌量請獎以資激勵所有整頓全熱警察統一辦法情形並派員總辦各緣由除咨部查

照外理合繕具簡章恭摺具陳伏乞 皇帝陛下聖鑒訓示謹 奏

政事堂奉 批令交內務部查核備案摺并發此令

政事堂印

洪 憲 元 年 二 月 十 九 日

國 務 卿 陸 徵 祥

督 辦 漢 口 建 築 商 場 事 宜 楊 度 奏 為 請 核 定 督 辦 薪 水 公 費 數 目 以 資 辦 公 情 形 祈 批 示 祇 遵 摺

奏 為 請 該 定 督 辦 薪 水 公 費 數 目 以 資 辦 公 情 形 恭 摺 具 陳 仰 祈 聖 鑒 事 竊 臣 於 民 國 二 年 十 二 月 奉

命 督 辦 建 築 漢 口 商 場 事 宜 當 即 呈 明 派 委 華 洋 人 員 辦 理 借 款 及 測 繪 等 事 所 有 需 用 各 項 經 費 因 借 款 未 經 交 付 暫 由 臣 設 法 息 借 賴 以 勉 強 支 持 故 任 事 兩 年 僅 華 洋 辦 公 各 員 略 給 薪 水 臣 忝 任 督 辦 並 未 支 給 分 文 現 在 三 妙 爾 公 司 業 已 開 始 交 付 墊 款 擬 請 援 照 鐵 路 督 辦 之 例 支 給 薪 水 公 費 以 資 辦 公 惟 薪 水 數 目 應 支 若 干 辦 公 費 數 目 應 支 若 干 及 從 何 日 起 支 未 敢 擅 擬 伏 乞 批 示 祇 遵 所 有 請 定 薪 水 公 費 數 目 緣 由 理 合 恭 摺 具 陳 伏 乞 皇 上 聖 鑒 謹 奏

政 事 堂 奉

批 令 著 照 浦 浦 信 鐵 路 成 案 辦 理 交 財 政 農 商 兩 部 查 照 此 令

政 事 堂 印

洪 憲 元 年 二 月 二 十 日

國 務 卿 陸 徵 祥

咨

交通部咨政事堂機要局外交部鈔錄上海太平洋水綫公司單開發往歐洲各國電報規則咨請查照辦理文(附規則)

為咨行事據上海太平洋水綫公司稱凡發往歐洲德土奧暨非交戰各國電報可按照單開規則由太平洋水綫及紐約塞維爾無線電台轉遞等因相應鈔錄漢譯規則並原文咨請查照辦理可也此咨

附錄漢譯規則

凡中國發往歐洲德奧匈土耳其暨非交戰各國電報可由太平洋水綫及紐約塞維爾無線電直接傳遞惟須按照下開規則辦理

電文須英文或德文明語

收報人姓名住址必須詳明

發報人姓名須詳明至少用二字(具名亦按字收費)

收報人姓名住址之前須用英文註明塞維爾無線電 *Smyville Radio* 字樣(此二字亦收費)
此項電報存途須經檢查其投到與否電局不負責任

交通總長梁敦彥

部印

洪憲三年二月二十三日

籌備國民代表大會事務局咨國民代表選舉監督

國民代表兩項投票情形原摺并批令請查照文

熱河按察使哈爾都統
各省將軍巡按使
福建貴州護軍使

蒙藏院總裁
京兆尹
川邊鎮守使

鈔錄本局奏報川邊

為咨行事本局奏報川邊國民代表選舉投票暨決定國體投票情形一摺於本年二月二日承准政事堂奉
批令悉交內務部查照單並發此令等因奉此相應恭錄 批令並鈔原摺咨請貴監督查照可也此

咨

勸咨送鈔摺一件

籌備國民代表大會事務局局長 顧 鼐

局印

洪憲元年二月二十四日

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隍枕賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生輻寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以爲將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論爲大總統者如何賢明不過多方設法以維持現狀已爾欲求立憲以謀國家之進步南轅北轍其道無由此就將來論之而知國體之不可不從速變革者也更有執君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易或數年而一易其開創之君非不雄才大略規模宏遠無如數傳而後法度漸弛遺澤就溲國統遂絕六朝五代之際君位直如奕棋人民蕩析離居幾於不可終日論者每舉以爲君主制病而不知此非君主制之病君主而不採用立憲制之病也世界各國政治均由人治時代晉而爲法治時代而中國政治蓋猶有數千年來人存政舉之選思前此治亂相循邦基不固國是未定厥有由來現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主總攬大權實居於調燮之地位相推相盪以劑其平英主無所增中主無所損故國家元首雖等於神聖之尊嚴而其實實立於政治潮流之外有政府與人民接近之事而無君與民衝突之

事國有長君固係國家之福即有時嗣君以沖齡踐祚亦不至搖動邦基世界立憲國家其政治史豈可取而覆接也我國若於決定君主立憲國體後使憲政得以實行是有數千年君主之利而無數千年君主之弊政治革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦遂人同此心同此理以相與有成使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行政治之國家即可由斯地點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之素願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用閹人採選宮女以及拜跪奔走繁文縟節等等又已 明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏觀賀

皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不致避惟中國至大國事至重予以一手一足爲力幾何所望大眾同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大衆如視皇帝爲尊榮則國家亦必危自今以後予與國民當共視爲臥薪嘗膽之日惟願各以國家爲重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力創繁文必一洗數千年君主稅政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副 聖懷矧自改元洪憲以來首 頒注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應興應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如梁天佑中華行之十年必有治定功成之日溯自清末失政民罹水火想望治平不可必得良善者坐困閭閻披黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告
洪憲元年一月十日

大律師李焜墀廣告

本律師專以鞏固國法擁護人權勸強扶弱爲目的現已銷假仍代理北京各級法院民刑訴訟及一切法律凡爲行有諮詢事件可親至宣內象坊橋正北河沿路西蔚公寄廬電話兩局一千零三十號本事務所接洽

中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

籌備國民代表大會事務局通告

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律應以官方文電爲準此外報紙揭載若於國民代表大會有關事件除係照登業經宣布之官方文電外其或得諸傳聞或出諸懸揣苟有與法定辦法不符之處在各該報紙即無故淆觀聽之心而事關國家根本大計似未便任其訛以傳訛致與代立法院格外審慎之情有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官方文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日篠電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自領事發生後竟有假託本局名義或其他箇人名義捏造電報送登各報者閱之不勝駭異查本局電報上年十月間既已通電聲明以依法發布之官方文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尙未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之苦衷即可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於畢雨箕風之好除通電聲明假託本局名義暨簡人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

三年及四年公債利息二月撥款妥存銀行

購三年及四年內國公債票諸君請鑒本年二月分利息各十二萬元共二十四萬元現已收到並存於中國交通兩銀行登列公債利息項下預備屆時提撥特此奉聞

大中華帝國海關總稅務司內國公債局協理安格聯謹啟

中國銀行告白

查本行招考預備員練習生章程每年三九兩月考取新生兩次現因去年九月間考取新生額數較多尙未傳到者頗不乏人本屆特停止招考一次特此通告

京兆大宛農工銀行招集商股廣告

本處自設立以來業已遵照農工銀行條例於通縣昌平地方舉辦兩行以資倡導查該兩行開辦後營業極見發達農工兩界非常踴躍而大宛為首善名區此項金融機關自應早日設立使農工業者得沾實惠茲特擬具大宛農工銀行招股章程詳奉財政部批准官商合辦規定股本四十萬元官股二十萬元由部撥發商股二十萬元由公衆招集商股每年正息七釐官股每年正息四釐商股股利倘有不足得以官股股利補充或由政府另籌款項照補如有以公債票入股者亦可變通按照票面實額作為股本凡我大宛紳商富戶應知此項銀行於農工業前途有絕大關係富亦共樂贊成即各處之資本家企業家亦可隨時入股此種營業極形鞏固獲利尤操左券一切優點均詳載章程儘可隨時取閱所有願入股本諸君務請早日惠臨先行掛號庶免遲誤此次招集股本係專為辦理大宛兩縣區域而設其餘各處亦正極力逐漸推廣以期普及

北京宣武門內東城根化石橋迤西全國農工銀行籌備處啟

第一期 第二期 第三期 第四期 法令全書職員錄價目

- 一 元年第一期法令全書八册自臨時政府成立之日起截至元年十二月末日止定價大洋二元五角外埠加郵費洋一角六分
- 一 二年第一期法令全書四册自二年一月起截至三月末日止定價大洋一元二角外埠加郵費一角一分
- 一 職員錄二册定價大洋八角外埠加郵費九分
- 一 二年第二期法令全書四册自二年四月起截至六月末日止定價大洋八角外埠加郵費九分職員錄四册定價大洋一元外埠加郵費一角一分
- 一 二年第三期法令全書四册自二年七月起截至九月末日止定價大洋一元二角外埠加郵費一角一分
- 一 職員錄四册定價大洋一元外埠加郵費一角一分
- 一 二年第四期法令全書五册定價大洋一元外埠加郵費洋一角一分
- 一 三年第一期法令全書職員錄現已出版法令全書四册定價大洋一元四角外埠加郵費一角三分職員錄四册定價大洋一元二角外埠加郵費一角三分
- 一 三年第二期法令全書職員錄現已出版法令全書四册定價大洋一元六角外埠加郵費一角三分職員錄六册定價大洋一元四角外埠加郵費一角三分
- 一 三年第三期法令全書四册定價大洋一元六角外埠加郵費洋一角三分
- 一 三年第四期法令全書四册定價大洋一元六角外埠加郵費一角三分職員錄六册定價大洋一元五角外埠加郵費一角三分
- 一 四年第一期法令全書四册定價大洋一元二角外埠加郵費一角三分職員錄六册定價大洋一元五角外埠加郵費一角六分
- 一 四年第二期法令全書二册定價大洋一元外埠加郵費一角一分職員錄六册定價大洋一元五角外埠加郵費一角六分

凡批發四十部以上均照價八折國外郵費另計

●本局四年第三期法令全書職員錄出版廣告

本局刊行法令全書暨職員錄四年第三期現已出版法令全書每部二册定價大洋一元三角外埠加郵費一角三分職員錄每部六册定價大洋一元五角外埠加郵費二角二分特此廣告發行所王井街政事堂印鑄局發行課

中國銀行分派股息廣告

啟者本行民國四年營業決算業經核定擬具分配淨利辦法陳由 財政部核准應即查照招股章程分派股息計商股每一股應分正息七釐又分給紅利七釐共合一分四釐其在去年十一月以內繳足股本者從優算給半年紅利十二月以內交足股本者從優算給三個月紅利茲定於本年三月初十起在本行各分行號發給凡入股諸君希即屆期各持本行換股單就近向各分行號查驗相符後領取正息紅利是荷特此佈達

北京電話局緊要廣告

敬啟者現在西城一帶綫額已滿而敝西分局雖籌備一切日下因歐戰未停所有訂購各料亦未能如期運到該處掛號待裝各戶接踵而至但非西局成立後決不能安機即東南城用戶欲移機至西城者以限於額亦無從移置恐未周知特此廣告